



Broj: 15-03-16-5-30-58/26

Dana: 6.8.2026. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14 i 59/22), te člana 8. stav (1) tačka b) Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, br. 56/08) Agencija za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o poništenju postupka javne nabavke**

Član 1.

Poništava se postupak javne nabavke **HTZ opreme i radne odjeće i obuće - LOT 4 – radna obuća - klompe**, objavljen na Portalu javnih nabavki Bosne i Hercegovine, Obavještenje o nabavci broj 1110-7-1-26-3-90/26 od 10.7.2026. godine, koji je proveden postupkom konkurentskog zahtjeva za dostavljanje ponude.

Član 2.

Ovom odlukom stavlja se van snage Odluka o izboru najpovoljnijeg ponuđača broj: 15-03-16-5-30-36/26 od 27.7.2026. godine.

Član 3.

Ova odluka stupa na snagu danom njene objave na web stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke **HTZ opreme i radne odjeće i obuće** (u daljem tekstu: Komisija) je konstatovala da do roka za prijem ponuda - dana 21.7.2026. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) za **LOT 4 – radna obuća - klompe** je pristigla jedna (1) ponuda i to ponuda ponuđača **iManager d.o.o. Sarajevo**. Po isteku vremena za prijem ponuda, tačnije u 10,05 časova na pisarnicu Agencije pristigla je ponuda od ponuđača GRUBIN Export-import d.o.o. Brčko, te je ista zbog neblagovremenosti vraćena pošiljaocu.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponude, u kojem su detaljno obrazloženi razlozi za izbor najpovoljnijeg ponuđača. Komisija je utvrdila da je ponuđač iManager d.o.o. Sarajevo kvalifikovan, te da je njegova ponuda prihvatljiva, jer su svi traženi dokazi propisani Tenderskom dokumentacijom dostavljeni na propisan, te s obzirom da ista u ekonomskom i tehničkom smislu u potpunosti zadovoljava zahtjeve ugovornog organa dala je preporuku da se donese odluka o izboru ovog ponuđača za najpovoljnijeg.

Po donesenoj Odluci o izboru najpovoljnijeg ponuđača i dostavljenom obavještenju ponuđaču, dana 4.8.2026. godine izabrani ponuđač je dostavio obavještenje u kojem navodi da zbog promjene cijene dobavljača odustaje od potpisivanja ugovora, zbog čega se ranije donijeta



odluka o izboru poništava te donosi odluko o poništenju postupka javne nabavke, u skladu sa članom 69. stav (2) tačka d) Zakona o javnim nabavkama.

Na osnovu gore iznijetog, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana objavljivanja ove odluke na web stranici Agencije. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

Direktor
prof.dr. Almir Badnjević
дигитално потписано / digitalno potpisano / digitally signed